



Saingonon Ekkesiwin non: September 1, 2020

Ourour ren Suuksefan non kinikinin Phase Ruw– Ekkewe Organization ren Pekin Urumwoten Nukun

Pochokunen Nemenem: Otutun Nampa. 20-27, ORS 433.441, ORS 433.443, ORS 431A.010

Pwonuwetan: Ei kapasen ourour fan iten ekkewe organization ren pekin urumwoten nukun non ekkewe sopw ra nomw non kinikinin Phase Ruw.

Angangen Apochokuna: Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, teten 26.

Mwichen kukunow nukun repwe:

- Nengeni sefani me anganga [Unusen Kapasen Ourour fan iten ekkewe nenien angang](#).
- Me mwen suuksefan mwirin kesipitam, meinisn nenien kukunow me iimw repwe monetá ngeni angang me meinisin pisek repwe murinné, anongonong won met foforon me angangen non taropwe me mokutukutun.
- Ese mumuta (ukkukun 10 aramas ika chokukkun seni ekkewe re warepèkuto) an epwe tam ar repwe chu non ekkewe parking lot me nukun met mei auchea repwe angei/aniwini pisek me tonong/tou non war chitosa.
- Apochokuna auchean ponuwetan ewe onu (6) fiit nefinen fitu emwicheich (ukkukun 10 aramas ika kukkun seni ekkewe re warepèkuto) epwe mak won sain me asukana ngeni meinisin ren nenien hiking, won nenien fetan ngeni beach me nenien mota.
- Pesei towaw fesen ren ukkukun onu (6) fiit nefinen emon me emon esapw chochon ew imw me non playground, pachenong ekkewe nenien tutu an semirit.
- Pesei aean nenien tètènun paaw ren non me ekis meinisin ekkewe neni nenien kukunou nukun, pachenong nenien tutu an semirit. Tetenun paw mi arukor mi namot ngeni paw mi nimeoch. Mwichen kukunow nukun repwe awora tètènun paw (60-95% arukor masowan) ngeni aramas re aea ekkewe nenien kunow nukun.
- Esipa ekkewe sandbox pwe rese mwo mumutá non ei fansoun.
- Nimeteochu ekkewe imwen ngaseno fan ruu non ew ran me, ika mi tawe, awora pisekin nimeoch (soop, churukami, tètènun paw mi arukor 60-95%) ren unusen ewe ran. Ekkewe imwen ngaseno rese tongeni animenim fan ruu non ew ran repwe kesip, ika ew sain epwe pachetá pwe ewe imwen ngaseno ese tongeni animenim fan ruu non ew ran.

- Nimeti ekkewe nenien angang, neni mi chommong chon iechufengen ie, me ekkewe kinikin aramas rekan kon attapa non ekkewe nenien kukunow me imwen kunow an public me non-public.
- Pacheetá [sain mi fateoch](#) epwe:
 - Atetenatiw asisinin COVID-19,
 - Ereni chon angang, volunteer me chon visit repwe nomwetiwiw neimw ika mi or esisinin semwen rer, **me**
 - Atetenatiw io repwe kokkori an repwe anisir.
- Ateteni masowen ekkewe neni ren chepenin piknik ese wor imwan/nenian, uuten kunow, iimw mi suuk ngeni aramas pwe epwe wor onu (6) fiit nefinen chon aea (sea, koskake, chepen).
- Pacheetá [sain mi fateoch](#) epwe apochokuna annukun towaw fesen nefinen chon ew me ew emwicheich.
- Fiti ewe [Eureuren Pekin Urumwot](#), ika mi tawe.
- Nengensefani me anganga [Eureuren Apwonun Aaw me Pwoot me Apwonun Maas ren Sopai, Nenien Witiwit Waa me Aramas](#).

Ika mi tawe, putain kunow nukun repwe, nge ese pwan menei ar repwe:

- Ekiekin esipa ew nenien park taraku unukun pwan ew an epwe menefes ewe onu (6) fiit towaw fesen nefinen emwicheich.
- Ekiekin suuki ekkewe aan repwe chok ew fetanin pwe epwe ekisano chon hike ar repwe kanefengen. Awora ew nenien fetan epwe chok ew fetanin ngeni ekkewe neni mi amwarar ika mi tawe.
- Apochokuna ngeni aramas repwe tori ekkewe nenien kukunow fansoun esapw chommong aramas repwe aea usun mi afat me ren ekkewe chon nemeni ekkewe neni.
- Apochokuna aramas repwe aea ekkewe nenien kunow mi kanengeni imwer kewe, resapw epwinaanó ar sai me ekisano ar tou seni kinikiniir kewe ren ar repwe kunow. Apochokuna aramas resapw sai seni nenier kewe ika re nomw non ekkewe neni mi watte case ren COVID-19 pwe epwe epeti an ekkewe ese pwá asisinin COVID-19 rer ar repwe nukei ewe monun semwen ngeni ew neni ese chommong case ie.
- Ekieki suuki nenien camp an private, municipal, county me federal ika chok pwe annukun towaw fesen mi tongeni pwonuetá. Oregon State Parks mi tongeni fori ew foffor mi imwuno fan iten suukun an state nenien camp anongonong won monetáán, ukukun an tongeni awora anukun towaw fesen me churi ewe Kepina.
- Ekieki ne suuki ekewe nenien skate ika pwe annukun towaw fesen mi tongeni pwonuetá.
- Apochokuna chon wareto repwe pwisin nukonuk aneer mongo, nenien konik me pisekin nimeoch (pachenong tetenun paw mi arukor), pwan nukei ar kapich ika ra nóó.
- Apochokuna ngeni aramas repwe pusin kukunow ngeni chon non imwer kewe nge esapw ngeni chiechier kewe.
- Apochokuna ngeni aramas repwe kukunow non tumuneoch me resapw nó ngeni ika kukunow non ekkewe neeni mi weires ne apwonueta ewe onu (6) fiit towaw seni ekkoch esapw chon ar emwicheich.
- Anenia chon angang repwe ateneki towaw fesen, ateneki ekkewe emwicheich resapw nap seni 10 aramas chóón, me awora osukuun me apochokuna aramas repwe fiti ekkewe annuk.

- Awora nenien tetenun paw ika nimetin paw (60-95% arukor masowan) non ekkewe neni ren nenien piknik, utten kukunow, me ekkoch iimw mi suuk ngeni chommong aramas.
- Ekiekin awora plastic mi fat ika kinaas epwe epet me mwen mesan cashier ika kounterin visitor, ika non ekkoch neni e weires ne fori ewe onu (6) fiit towaw fesen nefinen chon angang, volunteer me chon eto.

Eureur ren Camp Nukun Nepwin:

Ekkewe nenien camp nepwin an famini ir mi tongeni awora sapis ngeni famini ika mi muuk rekan nomw fengen non ew iimw.

- Ekkewe lodging unit ika imwen camp repwe chok kauk ngeni chochóón ew famini.

Ekkewe camp nepwin an kukkun repwe awora sapis ngeni ekkewe kukkun ika pwe mi wor imwen camp.

Camp nepwin repwe:

- Fiti Eureuren Angang non Oregon ren nimeti me angangen animenim.
- Fiti ewe Eureuren an chon Sukuun Camp Neran non Summer ren:
 - Kókótun angangen chek ren ekkewe semwen mi tongeni chéufetan.
 - Kaeo emwicheich ngeni camp neran ren semirit ir mi fiti inner me semer ika chon túmúnúúr.
 - An famini mokutukut, pachenong mokutukut non kúmi me towaw fesen nupwen fiti ekkewe camp.
- Famini repwe forata ew emwicheich ika kúmi esapw napeseni 10 aramas nupwen mongo ika fori ekkoch mokutukut. Ekkewe kumi ika emwicheich repwe towaw fesen non onu (6) fiit nefinen ew me ew.
- Fiti ngeni [An Unusen State ourour ren Emwicheich](#) me pwan [Ourour fan iten Ekkewe chon Omwokutu Ekkewe Nenien Chufengen me Apwapwa non ei Phase 2](#), ika mei ururoch ngeni.
- Fiti ewe [eureuren Nenien Tukken](#) ren ew sóópw non mi wor an nenien tukken won.
- Fiti ewe eureuren Imwen Mongo me Imwen Sakau, ren [Phase 1](#) ika [Phase 2](#), ika epwe awora mongo. Ewe eureur e tapweto e anongonong won ewe sóópw e nomw ewe camp minen nepwin e fis ie.
 - Ekkewe stable kúmi ika ew emwicheich esapw nuseni 10 ir mi tongeni mongo "family style" me non ar we kúmi ika emwicheich. Chommong kúmi ika emwicheich resapw mumuta ne mongo fengen.

Pwan ekkoch aninnis:

- [Sain en mi tongeni pacheetá](#)
- [Eureuren Apwonun Aaw me Pwoot me Apwonun Maas ren Sopai. Nenien Witiwit Waa me Aramas](#)
- [Eureur seni OHA ngeni Angang](#)
- [Eureuren CDC ngeni Souemwenin non Nenien kunow me Imwen kukunow](#)

Tawefichngeni: Ren ekkewe mi wor terir ika ekkewe ar f60s esapw fosun Ingenes, OHA mi tongeni awora taropwe non ekkoch format ren fossun ekkoch fonu, mesemong makkan, braille ika ew format ke mochen. Kokkori Mavel Morales won 1-844-882-7889, 711 TTY ika OHA.ADAModifications@dhsosha.state.or.us.